

Prins Mai y Pancho Pai lo dirigí Aruba su Carnaval

Carnaval 44 y Aruba tin su Prins y Pancho Infantil, Hubenil y Grandi. Esaki despues di e eleccion cu a tuma lugar ayera'nochi den Club Caiquetio na Paradera.

Dos pareha a competi pa infantil, dos mas a competi pa hubenil y tres a completá e competencia pa Prins y Pancho di Carnaval 44. Alegria y Fantasia mescos cu den tur otro actividad di Carnaval, tabata presente y ta trece pa su carnavalistanan un bista di e eleccion di ayera'nochi.

E hobencitonan Casei Dorsyl como Prins Bobbo y Gerald Dirksz como Pancho List a bai cu e

corona infantil mientras Brynes Croes y Derrick Dubero a gana e título hubenil como Prins Parti y Pancho Bolo.

E último competencia tabata basta fuerte, pero e ganadornan a keda Rodney Tromp y Burth Franas como Prins Mai y Pancho. E tres parehanan aki lo dirigí Aruba su Carnaval 44.



Coronacion di Reinanan di Piedra Plat

Diabierna'nochi tabatin un público masha grandi na ocasion di e coronacion di e Reina Infantil, Hubenil y Grandi di e distrito di Piedra Plat.

Riba e combinacion di potret nos por mira e tres Reinanan cu lo wordo compañía pa e grupo Goza Cu Nos. Nan ta Reina Infantil Stefanie Solognier, Reina Hubenil ta Izaira Cruz y Reina Grandi ta Roosmin Evert. Tur tres lo ta compitiendo den nan respectivo categoría na e próximo eleccionnan cu lo tuma lugar na stadion di RCA.

